



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 5. An in contractu Sponsalium intervenire possint arthæ, quasi loco pignoris traditæ?

[urn:nbn:de:hbz:466:1-73058](#)

§. 5.

An in contractu Spōnsalium intervenire possint arrhae, quasi loco pignoris tradite?

160. Quæstio procedit, quando traduntur expressæ in securitatem futuri matrimonii sic, ut eas amittat tradens, si culpâ suâ non sequatur matrimonium; eo autem secuto redeant ad tradentem. Resp. posse; ita Sanchez l. 1. h̄c D. 36. à n. 2. const. ex L. fin. C. de spons. cuius ratio est, quia nullo jure prohibetur, etiam in hoc contractu, securitatem alteri constitutere, seu pignus, futuræ solutionis, seu implectionis promissi sui, ut solutione non securâ, pignora committantur; & eâ securâ, recipiantur, & positivè probari constat ex L. 2. C. de spons. ibi: arrhas, Sponsaliorum nomine datus, defuncto dante, jubemus restituui, nisi causam, ut nuptiae non celebrarentur, persona defuncta jam prebuit. & L. 5. C. cod.

161. Si autem quæras. 1. an arrhæ constituti possint in quavis quantitate, etiam dotem excedente? 2. an in fundo & parata pecuniâ? 3. an contrahentes possint pacisci, ut contra datam fidem injustè resiliens, tenetur ultra duplum jure constitutum? 4. cui acquirantur arrhæ, si tradens præmoriatur matrimonii celebrationi? 5. an tradens arrhas, factis nuptiis eas recipiat? 6. cui cedant, si Sponsalia solvantur? Ad 1. Resp. posse; quia quamvis in cit. L. 5. dicatur, quod in casu arrhæ restituenda imponi non possit obligatio reddendi aliquid ultra quadruplum, adeoque limitetur restitutionis quantitas; nulla tamen quantitas ibi præscripta est arrhæ constitutioni. Ad 2. ex eadem causa. Resp. affirmativè; hinc si fundus in duplum restituendus foret, sufficit eum restitui in re, & simul tantum, quantus est in estimatione. Ad 3. Resp. non posse, siis, qui restituere deberet, sit minorenus, & re, & privilegio; nimirum carens veniâ ætatis, ut expressè cautum est in cit. L. 5. ubi habetur, quod talis satisfaciat, reddendo simpliciter, nimirum reddendo id, quod accepit; si autem sit majorenus re, vel veniâ ætatis, secùs dicendum est, nimirum posse, ut habetur in cit. L. 5. Ad 4. Resp. arrham in eo casu restituendam iis,

ad quos jure testamenti, vel successionis legitimæ transeunt bona defunctæ vel defuncti, nisi aliter constituerit, vel in culpa fuerit, ne matrimonium prius celebratum sit. ex L. 2. cit. n. 160. Ad 5. Resp. affirmativè. Nam tunc cessat ratio, propter quam traditæ sunt, nimirum in securitatem futuri matrimonii; Layman. tamen l. 5. tr. 10. p. 1. c. 1. n. 8. docet, ex consuetudine, inter Sponsalicias largitates tunc reputari, de quibus agemus infra.

Ad 6. Resp. quando Sponsalia solvuntur ex justa causa, non amitti arrhas, ab eo, qui tradidit; si ex iusta causa, seu unius inconstantiâ, & unus tantum tradidit arrhas, quin vicissim receperit, eas perdit, si ipse injustè resiliat: si uterique arrhas tradidit, & receptis, injustè resiliens, & suas perdit, & acceptas restituere tenetur: si denique tantum unus tradidit, & alter non tradens injustè resiliit, tenetur in duplum, & acceptas reddere, & tantundem de suo patrimonio dare; imò plus, si conventum sit, nimirum triplum, vel quadruplum (nisi resiliens sit minor) ex L. penult. de spons.

Et ideo etiam Fidejussores, & pignora in securitatem futuri matrimonii, vel etiam arrharū, aut damni emergentis, sponsalib⁹ apponi possunt. ita Sanchez. l. 1. D. 38. quia nullibi cautum est, ne in dato casu apponantur: imo cum arrhæ in eum finem licet sint; non est, unde pro his, vel pro eo, in quorum securitatem ipsæ apponuntur, Fidejussores, & pignora constitui prohibeantur: postremo ex dictis colliges ad valorem Sponsalium, aut matrimonii, non requiri libertatem, immunem à metu perdendi arrhas, aut solvendi duplum, vel etiam quadruplum in casu injustæ resiliencie. Nam etiam stante pacto, vel per ipsos contrahentes, vel per eorum conjunctos, cum ipsorum consensu, Sponsalibus adjecto, matrimonium nihil minus validè contrahitur, ut constat ex dictis; quia talis merus non tollit libertatem illis contractibus necessariam, cum obligatio solvendi pœnam ex pacto debitam, solum inducat necessitatem implendi debitum juris naturalis.

Arti-